

萬歷仙居縣志卷之五

公署 附廡舍橋梁津渡
倉廩舖舍壇壝

詩曰君子攸躋又曰君子攸甯匪以侈安也國家挈百里之地命一人南面而聽之出治退食俾有甯處此何為哉夫飯封祿之粟巋然蒞于丹楹碧棟之間而甕牖之下風雨淒其非所以稱在宥也以此思敬敬可知矣几席之上牘紛如絲軒擻之下吏沸如縻毫髮不周而六馬且佚以此思懼懼可知矣誠使民歌廉懷召欣欣焉幸庇于宇下其無負設官建署之意乎不然則怨之阱而罪之府矣

縣治舊在花井街北晉羊忻遷之青圭前宋陳襄拓而新之歷宣和靖康景炎至正凡四經寇亂燬而更建國朝嘉靖年間烏夷竄匿四十餘日而縣治焦土

矣攝縣事同知毛德京重葺之 知縣馬濂
增修有記

大門三間 上為
譙樓 申明旌善二亭 在大
門內 寅賓館 在大門內東
應存卓為記

縣獄 在大門
內西 儀門三間 土地祠 在儀
門東 仙居叢書

萬歷仙居縣志

卷五

一 仙居叢書

戒石亭 在儀
門內 正堂三間 幕廳 在正
堂東

東西庫二所 左右司吏房十六間 後堂三間

知縣衙 在後堂
東北 縣丞衙 在後堂東今廢萬歷丙午知縣顧震宇
因舊址創中堂三楹名河陽館有記

主簿衙 在後
堂北 典史衙 在後堂
東南

廨舍

布政分司 縣西二
百步 按察分司 縣左二十
步今廢 府廳公館

陰陽學 醫學 惠民局

僧會司 道會司 巡檢司革

河泊所 革 稅課司 革 教場 縣西
一里

養濟院 縣治
北 漏澤園 縣西
二里

橋梁

縣橋 縣治
前 迎恩橋 縣東六十五步
以嘗迎詔故名 市橋 縣西一百三十步
以處市中故名

石井橋 縣西十里

慶雲橋 縣東十里

社橋 縣西二里以在社壇側故名

杜橋 縣西三十里以杜氏建故名

彭溪橋 縣東二十里以接彭水故名

官路橋 縣西二十里

丞相橋 縣西三十五里丞相吳堅所建

板橋 縣西四十里後改斃以石

鳳仙橋 縣西六十五里

新坊橋 縣西十五里

廣業橋 縣西六十里

長橋 縣西二里以水自孟溪入大溪故名

苦竹橋 縣西四里以旁多苦竹故名

斷坑橋 縣東十五里

白水橋 縣東一百五十步邑橋皆宋時建而此獨以浮水漲急屢繕屢圯萬歷間主簿曾學周董其事改名平政王明整為之記未久輒壞曾復遣俸助役知縣汪夢說鳩工營造尋遷去迄無

成功萬歷三十六年知縣顧震宇捐資重建

下角橋 縣東三十里

三橋 縣西三里王存中為之記

折桂橋 縣西三十里以在折桂里故名

搖頭橋 縣西十二里

津渡

樺溪渡 縣西二十五里

趙澳渡 縣南十五里

廣業渡 縣西六十里主簿曾學周捐俸所造

清口渡 縣南八里

河頭渡 縣南三里

石牛渡 縣東八里

萬歷仙居縣志

卷五

一一 仙居叢書

倉廩

東倉 廢

西倉 廢

南倉 縣治南

河頭倉

白塔倉

淨樂倉

界嶺倉 上四倉皆鄉約居中社學居左

學倉 宋有學田夏崇桂為之記國初入官撥米六百石貯倉以給師生永樂間尚給三百六十石以後無考倉亦廢

舖舍 二十五所舖司兵共七十四名

縣前總舖

慶雲舖 縣東十里

黃橋舖 縣東二十里

界嶺舖 縣東三十里

白水洋舖 縣東四十里

管山舖 縣西十里

枰溪舖 縣西二十里

開平舖 縣西三十里

金像舖 縣西四十里

皤灘舖 縣西五十里

清風舖 縣西六十里

遂甯舖 縣西七十里

栢溪舖 縣西八十里

戴村舖 縣西九十里

蒼嶺舖 縣西一百里

壇壝

山川壇 縣東南二里

社稷壇 縣西一里

城隍廟

邑厲壇

縣北
三里

鄉厲壇一十二所

萬歷仙居縣志

卷五

三

仙居叢書

萬歷仙居縣志卷之五